



Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniæ Agrippinæ

§. 3. Ridiculum Macarii Argumentum, quo vult Casuistarum lectionem
Confessariis inutilem eße, & non necessariam.

urn:nbn:de:hbz:466:1-37059

RIDICULUM MACARII ARGUMENTUM quo vult Casuistarum lectio-
nem Confessariis inutilem esse & non ne-
cessariam.

HAECENUS Casuistæ, aliique scholastici à Macario, ut vidimus, haud segniter vapularunt; hactenus non unum multiplicis infamiæ stigma turpiter inustum est, hoc tamen cum solatio quod admotum ferrum Bajo-Jansenianæ scilicet puro caritatis igne canderet: nunc, si possit, omnibus eos Confessorum bibliothecis æternum velit exulare. Hic scilicet supplicii modus est; sic maleficorum scelera in foro virga prætoria vindicat, primo flagellare tum individuâ maleficii notâ inustâ patriis finibus imperato exilio interdicere.

Idque adeò Macarius ut agat honestius, non privato odio indulgere, sed SS. Patrum causam hac in re suscipere videri vult, sic quasi à Scholasticorum contemptu suus SS. Patribus honor asserendus sit: & illud operosè contendit ex solis SS. Patribus omnem eam casuum scientiam, quæ conscientiis dirigendis necessaria sit, cumulatè hauriri posse, & tanto purius, quanto in ipsis fontibus purior

M₂ fluit

92 TRIUM-VIRORUM VANA

fluit unda; nec, ut Macarianis flosculis utar, Scholasticon
nugis, quisquiliis, paleisque sordidata: audiamus: hæc
sunt (inquit pag. 87.) veræ Christianæ moralis Theologiæ
pura ac germanæ principia, hi sunt sinceræ sapientiæ
morum limpidi fontes, & scaturigines, ex quibus aquam
sapientiæ salutaris salientis in vitam æternam haurire qui-
libet sine labore potest, totumque propemodum deducere,
quod ad vitæ directionem est necessarium. Unde falluntur
qui continuo clamant impossibile esse ex SS. Patribus Theolo-
giam moralem colligere, illumque in scientia morum debere
cæcutire, qui quoad illam solos consulit SS. Patres: &
graviter etiam errat, qui putat nullum posse esse capacem
excipiendis confessionibus, qui solis SS. Patrum volumi-
nibus insudavit, & non egregie in Scholasticis evolvendis
se impendit, ut ex illis conscientiæ casus deducere sciatur. Vides
Lector ut sub speciosa Patrum defensione Scholasticis om-
nibus exilium paret; ridiculum Macarius Caput! qui
omnes Theologiæ moralis apices, tamque varios & im-
plexos in omni materiarum genere casuum nodos aut in
solis SS. Patribus solutos aut ex iis solis solvendos & sine
labore quidem & à quolibet persuadere nobis velit; age dic
fodes materiam gravem in genere furti quam nobis statuis
ex solis SS. Patribus? age ex iisdem solis peccata omnia nu-
mericè, & specificè distingue: impedimenta matrimonii tam
dirimentia quam impedientia tantum, suo ordine exhibe
omnia; quid ais? census personalis licitus est, an non? nihil
usuræ



ET INFELIX CONCORDIA. 93

usuræ subest Cambiis Francofurteni, Placentino, Veneto? nihil injustitiæ præscriptiones continent? totam porro cemptionis & venditionis rationem explica, & ex solis PP. omnia. Hem tibi autem, Montes Pietatis in Belgio eriguntur: anceps de justitia stat opinio, hærent Viri doctissimi, consultant Episcopi Provinciæ Mechliniensis, Lovanienses Doctores à se mutuò dissident: quid autem dubii hæretis? en vobis Macarium, triginta annos nondum habet & ex solis Patribus hac difficultate vos *sine labore* expediet. Imò, imò inquit ex his & sexcentis aliis soli SS. Patres & studiosa eorum lectio nos expedient. Quid enim fecere Confessarii antequam Scholastici prodiere? nonne & tunc iidem propemodum Conscientiæ casus à Confessariis fuere resolvendi? nonne & tunc Confessarii debuerunt esse instructi ad regendas sibi subjectas animas? nonne & tunc debuerunt scire omnia quæ ad regendas animas sunt necessaria? omnino planè at unde tunc sibi illam scientiam & talia necessaria acquisiverunt? non à Scholasticis, cum necdum lucem affixissent; non immediatè à Deo cum ad miraculum non sit configiendum; restat ergo, quod illam hauserint ex puris ac limpidis fontibus S. Scripturæ, Conciliorum, Canonum & SS. PP. adeòque omnino fatendum est, quod ex illis scientia illa haberi possit, quia alias fatendum, quod tunc Ecclesia fuisset destituta medio necessario regendi sibi subjectas animas, nempe illa scientia, quæ ex fontibus citatis hauriri non posset; at hoc de divina Christi erga

M 3

ffon-

ponsam suam Ecclesiam quam sanguine suo fundavit (providentia) quis suspicabitur? habes, mi Lector, Achillem Macarianum; sed tides opinor hominis stultitiam qui secum ipse pugnet, qui causam suam prodat verius quam probet; me quidem miseret insulti ac peccantis in argumentando Dialectici & magnas ei gratias habeo quod mihi non in se modo, sed in totius Jansenismi exitium arma porrigit: & ne pro beneficio ac favore praestito ingratus videar, leviora quedam præteribo, nec illud dicam quod solos Patres tam crebro tam magnificè nominari; nec de solis tamen Patribus argumentatio procedat, ut quæ & Scripturam & Canones, & Concilia disertè nominet; nec malè hæc quidem nominat omnia, sed quanto melius si Pontificum Decreta & Bullas addidisset: quid dicam? non caret mysterio quod in una illa sua ad Tyrocinium Præfatione plus decies (ipse numerum inivi) Theologiæ veræ, Christianæque fundamenta, Regulas, ac fontes; S. Scripturam, Traditionem, Canones, Concilia, SS. Patres & ante alios Augustinum statuat, & hæc cum diligenter enumeret omnia, semper Pontificum & eorumdem Bullarum oblituscatur; est hæc sanè supinum in homine Romano Catholico Pontificum oblivio? sed ut dixi mysterium est & Bajo-Jansenianum & ut obliteretur fecerunt, opinor, Apostolica PII V. GREGORII XIII. URBANI VIII. INNOCENTII X. & ALEXANDRI VII. toti Bajo-Jansenismo, & ipsi Tyrocinio fatales Bullæ. Nec hominem pœnituit suæ tam affectatæ obli-

ET INFELIX CONCORDIA. 95

oblivionis ; in ipsa enim epistola sua ad Innocentium XI. Apologetica , & Tyrocinii sui aculeata in Adversarios defensatrice , mirum ! dum ipsum Pontificem alloquitur, dum Sanctissimis ejus pedibus supplex advolvitur etiam tum Pontificis non recordatur & nulla , inquit cap. i. pag. 14. est certior regula , quāque facilius in materia fidei, & morum errorem effugere possumus , quam si studiosè attendamus , quid antiquitati , SS. Patribus , traditionibus , & priscis Ecclesiæ moribus atque institutis conveniat. Audis? altum etiam hic de Bullis Pontificum saltem modernorum silentium , & tamen Pontificem alloquitur : sed veniat nobis magis Pontificius Theologiæ Professor , & sanctorum præscribat regulam : quare istæc filiis genuinis præfixa esto regula : credere quod Mater (Ecclesia) & credidit & credit , amplecti doctrinam , definitionesque , quas tradidit olim & tradit hodie : fuit hæc præsca Mater fidelium omnium , est & moderna. Tum Macarianam regulam opponit & ita prosequitur ut simul Magistrum detegat , à quo tam Romanè loqui didicerit , & ut non censurem , ait , hanc Macarii regulam , hoc unum quæro cur non addiderit quid recentibus Pontificum Decretis , moribusque modernæ Ecclesiæ conveniat. An si quid Innocentius XI. imitatus X. statuerit summa autoritate non erit attendendum ? non est ergo approbanda regula : bausta videtur ex magno quodam Magistro (Cornelio Jansenio) qui libro suo proæmiali cap. 9. col. 24. hos Theologiae Christianæ Cancellos ponit ,
di-

96 TRIUM-VIRORUM VANA

dicens : ARBITROR S. SCRIPTURÆ LIBRIS , CONCILIIS , ET PRIMORUM SÆCULORUM PATRIBUS NOS CONTENTOS ESSE DEBERE . An ergo non indigemus tot Pontificum tum veterum , tum recentium Decretis , statutis , definitionibus ? hoc dixero unum : non habebit Deum Patrem , qui Ecclesiam etiam modernam noluerit habere Matrem . Ita R. P. Philippus de Vos S. J. in Thesibus suis 7. Februarii 1678. Thesis 2.

Ego redeo ad argumentum , & suis Macarium verbis aggredior , suis eum cassibus & laqueis irretitum , Dialecticis ludibrium facio . Age Macari , quo tu argumento Scholasticos omnes exulare vis , hoc eodem ego ipsos SS. Patres & antè alias Augustinum exilii comites dabo Scholasticis à te relegatis : quid enim fecere Confessarii antequam SS. PP. & ipse Augustinus prodiere ? nonne & tunc iidem propemodum Conscientiae casus à Confessariis fuere resolvendi ? nonne & tunc Confessarii debuerunt esse instructi ad regendas sibi subjectas animas ? nonne & tunc debuerunt scire omnia , quæ ad regendas animas sunt necessaria ? omnino plane . At unde tunc sibi illam scientiam , & alia necessaria acquisiverunt ? non a SS. Patribus non à S. Augustino cum necdum lucem adspexissent ; non immediate à Deo cum ad miraculum non sit configendum : restat ergo quod illam hauserint aliunde quam ex SS. Patribus & S. Augustino , adeoque omnino fatendum est quod aliunde quam ex SS. Patribus & S. Augustino scientia illa haberi possit , quia alias fatendum foret , quod tunc Ecclesia fuisset

ET INFELIX CONCORDIA. 97

fuisset destituta medio necessario regendi sibi subjectas animas,
at hoc de divina Christi erga sponsam suam Ecclesiam,
quam sanguine suo fundavit, providentia quis suspicabitur?
vides Macari quam tecum tu ipse pugnes? vides miser
Dialectice hac parte Thesim subrui tuam, qua eam
volebas adstruere? vides imperite Bellator telum in
Adversarios nimis fortiter jactum in te ipsum resilire? vides
denique inepte SS. Patrum & Augustini imprimis defen-
sor, per Scholasticorum latus, ipsos SS. Patres à te & ipsum
Augustinum feriti. Videamus nunc, quod dicebam
alterum, & pro quo gratias modo agebam, arma à te
mihi porrigi in totius Bajo-Jansenismi (qualis hodie dum
gliscit) ruinam; nam quæ est ista vestra administrando-
rum Sacramentorum tam nova ratio ac forma? quæ tam
novitia methodus, & recens somniata Praxis? certè, ut
de undecim primis sæculis litem ne moveamus, tu fateris
ipse, & tecum pariter D. Gummarus & P. Gabriëlis non
uno fatentur in loco, abolitam eam sex propè jam
Sæculis nusquam in Ecclesia gentium in usu fuisse, adeoque
tot annorum centuriis Ecclesia destituta fuerit necessario
Sacramentorum administrandorum ritu. *At hoc de divina
Christi erga sponsam suam Ecclesiam, quam sanguine suo
fundavit, providentia quis suspicabitur?* At neque illud
dissimulemus: Scholasticos omnes, omnes Casuistas
Bibliothecis suis Novaturientes ejecerunt; sit ita sanè,
expludent facile illi ridiculum exilium; dummodo in

N

eorum

98 TRIUM-VIRORUM VANA

eorum locum SS. Patres succedant. Id verò satis æquo animo quis ferat ? eorumdem locum & antiquam adeò possessionem invasisse natos heri libellos, plerosque aut damnatos ipsos, aut similis furfuris cum damnatis. Nam ex quo tempore pseudo-Aurelius iste Gallicus, & ex quo Augustinus non Hipponensis, sed Irenensis in SS. Patrum Canonem relati sunt ? quid, P. Gabriëlis ubi demum Canonizatus ? nisi fortè in turba Racematoria, certè ubivis potius, quam Romæ. Porro D. Gummarus ? in patritia illa Bibliotheca, undè eliminatur qui S. Pater non sit, quā demum Apotheosi locum meritus est ? an Toletanā ? ut nihil jam dicam de Rituali Aletensi à CLEMENTE IX. igni adjudicato; nihil de litteris Ludovici Montaltii, & sexcentis aliis, quorum Catalogum videre curiosus qui volet, aeat Elenchos librorum prohibitorum in Decretis præsentim INNOCENTII X. 23. Aprilis 1654. & ALEXANDRI VII. 6. Sept. 1657. hi scilicet hi ejectis & triumphatis quasi Scholasticis campo hostili in signum victoriae potiuntur : ubi nunc es Havermanne SS. Patrum defensor, euge, si acceptor Personarum non es, cur in eos exilii sententiam non æquè pronuncias, cur illud tuum non occinis ; quid fecere Confessarii antequam liber de frequenti communione, antequam Moralis Gabriëliana, antequam Gummari Methodus prodiit nonne & tunc &c. at alia de his nempè canis omnia, & pleno ore, ut post videbimus, tamquam è Cælo lapsa opuscula deprædicas : nonne rectè ante divinabam ?
hos



ET INFELIX CONCORDIA. 99

hos esse SS. Patres quos tam incepè defendis, quorum lectionem tam assiduè commendas, in quorum gratiam optimè de re christiana meritos Scholaisticos æternis tenebris addicis.

Meliora de Casuistis S. Carolus Borromeus Mediolanensis Antistes & S. R. Ecclesiæ Cardinalis (aures arrigit Scholastico-mastyges) omnes Confessarios (inquit apud Franc. Reymakers pag. 29.) quamvis à nobis ut idonei semel admissi fuerint, tamen ob graves & diversos scrupulos, qui pænitentibus in dies occurrunt, & plurimas difficultates sibi cohærentes habent, præmonitos volumus, ut bonos & classicos Autores nonnullos, qui casus Conscientiae ex professo tractant, manibus CONTINUO terant. Meliora etiam Synodus Mechliniensis tit. 5. de Sac. Pœnit. c. 5. magnâ oportet esse instruētum scientiâ, qui de rebus maximis ex tempore judicare debet. Ideò Confessarii, quibus non hominis sed Dei iudicium exercendum est, & quidem de animabus pretioso Iesu Christi sanguine redemptis, lectioni eorum librorum unde NECESSARIAM (nota necessariam ergo non ex solis SS. PP.) sibi scientiam hauriant, diligentissimè vacare merito debent; utpote directorii Polanci, Manualis Navarri aut ejus compendii, summæ Toleti, Enchiridii Binsfeldii, & similius: ades hoc Gummare, qui totam contrà Casuistas Methodum tuam scripsisti, quia circulari epistolâ (ut de te testaris in præfatione ad Lectorem) Confessarios sui muneris commonefecerat Amplissimus D. per Archidiœcesim

N 2

nostram.

100 TRIUM-VIRORUM VANA
nostram Mechlinensem (sede id temporis vacante)
Vicarius; ades & tantum saltem non uni Vicario, sed toti
Archiëpiscopali Synodo defer ut aliquanto in Casuistis
mitior paululum de privato in eos odio remittas, sed
frustrà moneo, qui non vivum Gummarum citius, quam
Macarium mortuum Casuistis & Scholasticis amicè con-
ciliem; facit id, prædominans Viri caritas.



CAPUT QUARTUM. CUNICULI TRIUM-VIRORVM *ad Subruendum penitus Pœnitentia Sacramentum.*

OBSERVATIO PRÆAMBULA
& totius Capitis fundamentum.


Bscurum non est, quo Sacramenti Pœni-
tentiae fato, & cuius potissimum consilio,
& hortatu, id fieri meminerimus, ut
nemo quisquam novissimis hisce Ecclesiæ
temporibus ab ejusdem Ecclesiæ Catholicæ
unione impius Apostata desciverit, qui non eadem im-
pietate Sacramento Pœnitentiae tam necessario, & secundæ
post